



## Universitätsbibliothek Paderborn

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Ermilindae Abbatissae monasterij S. Mariae Aquileiensis, ejusque  
sororibus tam praesentibus quam futuris regularem vitam professis in  
perpetuum.

**urn:nbn:de:hbz:466:1-20006**

412      *Epistolarum Innocentij III.*

nolebat, quamvis Compostellanus Archiepiscopus testes præfatos, non super possessione Zamoren, episcopatus, sed super sententia tantum diceret admittendos, super qua sola commissio à parte altera imperata, & in receptione suorum testium de Zamoren, episcopatus possessione non fuerat in forma juramenti expressum aliquid, ut dicebat. Et quoniam dictus delegatus usque ad sententiam diffinitivam procedens, gesta omnia sub sigillo suo ad Iedem apostolicam destinavit, prætaxatam sententiam tanquam canonice latam confirmari à nobis Compostellanus Archiepiscopus requirebat, non obstante quod contra commissionem de falsi suggestione vel alii fuerat intentatum, cum nec ante sententiam objecatum fuerit, nec si veritas illa fuisset expressa, commissionem nullatenus impeditisset: nec Bracarense intererat appellare, cum sibi per ea non fieret præjudicium quæ inter alios agebantur; sicut nec ultimam clausulam litterarum, quæ à forma communis & solita, non sensu, sed verbis tantummodo discrepabat. Nos ergo rationibus & allegationibus, attestationibus quoque ac instrumentis utriusque partis diligenter auditis & intellectis, visis, & cognitis, post longam discussionem & examinationem perfectam, de communi fratum nostrorum consilio decernendo pronuntiamus, & pronuntiando decernimus, sententiam illam in nullo prorsus obstatere tibi vel Ecclesia Bracarensi. Nulli ergo &c. diffinitionis &c. Datum Laterani III. Nonas Iulij.

*MARTINO BRACARENSE.  
Archiepiscopo.*

*Epist. 106.  
Concordiam  
inter ipsum &  
Compostellanus  
Archiepiscopum ini-  
tam consummat.*

**S**æpe contingit ex contentionibus litigantium, quod in tantum se partes laboribus aggravant & expensis, ut non solum quæ vincitur, sed quæ vincit, tandem pœnitentia litigasse. Nos ergo, qui solicitudine pastorali singulorum tenemur gravaminibus præcavere, ne præ multitudine ac magnitudine quæstionum quæ inter te ac venerabilem fratrem nostrum Compostellanum Archiepiscopum vertebantur, importabile vobis gravamen incumberet, super quæstione de usu crucis aliquandiu ventilata vos ad concordiam duximus invitandos: qui nostris acquiescentes consiliis, in hunc modum concorditer convenistis, ut

uterque per provinciam alterius universam, crucem ante se faciat sine contradictione deferri. Volentes igitur ut hæc forma concordiae nostro mediante studio procurata inter vos & successores vestros inviolabiliter observetur, eam auctoritate sedis apostolicae confirmamus, statuentes ut nulli omnino hominum &c. Datum Laterani II. Nonas Iulij.

*In eundem modum Petro Compostellano  
Archiepiscopo.*

*PRAEPOSITO S. SEVERINI,  
Decano, & L. Canonico majoris Ecclesiæ  
in Euphurdia.*

**T**ransmissam nobis dilecti filii H. magistri scholarum Wirsburgensis, receperimus questionem, quod Canonici sancti Iohannis contra Turonensis statuta Concilij stipendia quatuor Clericorum personis sexdecim assignarunt; ea conditione adjecta, ut quatuor tamdiu essent stipendio uno contenti, donec tot morerentur quod quilibet possit integrum beneficium obtinere. quod dilecti filii nostri P. tituli sanctæ Cæciliae & Iohannes tituli sancti Stephani in Cœlio monte Presbyteri Cardinales, tunc in partibus illis legationis officium exercentes, sicut decuit, irritarunt. Idem quoque Canonici præbendam unam Vu. & A. Clericis sub eo tenore dederunt, ut alter succederet proximò morienti. Cum itaque successorum editum à sanctuario Domini sit exclusum, nec illa sint in Clericis sustinenda quæ ipsæ quoque leges reprobant seculares, discretioni vestrae per apostolica scripta præcipiendo mandamus quatenus præfatis donationibus & concessionibus, tanquam juri contrarii, penitus irritatis, præfatos Canonicos ad faciendam ordinationem canonicam & de personis idoneis monitione præmissa per censuram ecclesiasticam appellatione postposita compellatis. Quod si omnes &c. duo &c. Datum Laterani V. Nonas Iulij.

*ERMILINDÆ AB BATISSÆ  
monasterij S. Mariae Aquileiensis, ejus-  
que sororibus tam præsentibus quam fu-  
turi regularem vitam professis in perpe-  
tuum.*

**P**rudentibus virginibus &c. usque ad verbum vocabulis. Locum ipsum *De confutate*

nōe privile-  
giōrum.

in quo præfatum monasterium situm est, cum omnibus pertinentiis suis. Præterea specialiter proventus decimarum de insula, tam olei, quam aliarum rerum omnium, quas illustris memoria Engelbertus Comes de Goriza à Tergestin. Ecclesia in feudum habuit, & in manibus bona recordationis Vlrici Patriarchæ tunc apostolica sedis Legati resignavit, sicut eas recolendæ memoria.... quondam Tergestinus Episcopus monasterio vestro rationabiliter contulit, & prædictus Aquileiensis Patriarcha confirmavit, & vos sine controversia possidetis, nos denudo ad instar felicis recordationis prædecessorum nostrorum Alexandri, Lucij, Urbani, & Celestini Romanorum Pontificum, secundum compositionem quæ facta est propter controversiam quæ inter bona recordationis Aldigerni Iustinopolitanum Episcopum & vestram Ecclesiam super præfatis decimis postea vertebarunt, sicut ex utriusque partis consensu in præsentia felicis memorie Gotefridi Aquilegien. Patriarchæ terminatum esse ejusque scripto confirmatum fuisse dignoscitur, vobis & per vos monasterio vestro in perpetuum auctoritate apostolica confirmamus. Decernimus ergo &c. Salva sedis apostolica auctoritate, & dioecani Episcopi canonica justitia. Si qua igitur &c. Datum Laterani per manum Rainaldi Acheruntini Archiepiscopi, Cancellarij vicem agentis, VIIII. Idus Iulij, Indictione secunda, incarnationis dominice anno M CX C IX. pontificatus vero Domini Innocentij Papæ III. anno secundo.

*ABBATI ET CONVENTU  
S. Crucis de VValthan.*

Epif. 109.  
De confirma-  
tione privile-  
giōrum.

Vtis petentium &c. usque ad verbum assentu, institutiones Ecclesiarum de Nesinges & de Netlesville factas vobis & concessas per Archidiaconum, cùm se des episcopal vacaret, substituto Episco po concessionem ipsius postmodum approbante, quæ utique Ecclesia in fundis vestris constructæ sunt, & in quibus patronatum antea habebatis, sicut eadem institutiones vobis justè concessæ sunt, & vos ipsis hactenus rationabiliter ac pacifice usi estis, salvo tamen jure canonico dioecani Episcopi, sicut hucusque solitus est habere, ad exemplar bona memoria C. Papæ prædecessoris

nostri auctoritate apostolica confirmamus & præsentis scripti pagina communimus. Nulli ergo &c. Datum Laterani Nonis Iulij.

*ABBATI ET FRATRIBVS  
Ecclesie sanctæ Crucis de VValthan.*

Epif. 110.  
De eadem re.

Icet ex injunctâ nobis administratio nis officio universas Ecclesias oculo debeamus benigniori respicere, & earum tranquillitatî & paci studio intendere pietatis, circa provisionem tam illarum quæ ad jus beati Petri nullo mediante pertinent, eò majorem diligentiam habere nos convenit, quò specialius ad nostrum regimen pertinere noscuntur. Eapropter, dilecti in Domino filij, vestris iustis postulationibus clementer annuimus, & felicis recordationis Clementis Papa prædecessoris nostri vestigiis inharentes, Ecclesiam vestram, in qua divino mancipati estis obsequio, quæ beati Petri juris existit, sub ipsius & nostra protectione suscipimus, & præsentis scripti pagina communimus. In primis siquidem statuentes ut ordo canonicus, qui secundum Deum & beati Augustini regulam in eadem Ecclesia noscitur institutus, perpetuis ibidem temporibus inviolabiliter observetur. Statuimus autem ut quascunque possessiones, quæcumque bona, eadem Ecclesia in præsentiarum justè & canonice possidet, aut in futurum iustis modis præstante Domino poterit adipisci, vobis & Ecclesiae vestre firma & illibata permaneant. Statuentes insuper ut quicunque in ejus Ecclesia fuerit Abbatem electus, postquam munus benedictionis receperit, se non alienaturum bona ipsius Ecclesia juramento promittat, sicut tu, fili Abbas, fecisse dignosceris, cùm à bona memoria Lucio Papa prædecessore nostro benedictionis gratiam recepisti. Sanè cùm possessionum vestrarum Ecclesiae, quarum vobis præsentatio competit, decadente pastore vacaverint, vos Presbyteros, qui in eis ministrent, dioecano Episcopo præsenteris, qui ei in spiritualibus, vobis autem in temporalibus debeat respondere. Interdicimus insuper & auctoritate apostolica prohibemus ne aliquis in Ecclesiæ vestras indebitas exactiones vel gravamina contra statuta Rom. Pontificum, & præcipue Lateran. Concilij, exercere præsumat. Cùm vero generale interdictum

Fff iii